

L I V R E
D'ARCHITECTVRE
C O N T E N A N T
PLVSIEVRS PORTIQUES
DE DIFFERENTES INVENTIONS,
sur les cinq ordres de Colomnes.

Par ALEXANDRE FRANCINE *Florentin, Ingenieur ordinaire du Roy.*

DEDIE' A SA MAIESTE'.




A P A R I S,
Chez MELCHIOR TAVERNIER, Idrographe,
Graueur & Imprimeur du Roy pour les Cartes Geographiques,
& autres Tailles-douces, demeurant en l'Isle du Palais, sur le
Quay qui regarde la Megisserie, à la Sphere Royale.

M. D C. X X X X.

AVEC PRIVILEGE DV ROY.

LIVRE
D'ARCHITECTURE
CONTENANT
PLUSIEURS PORTIONS
DE DIFFERENTES INVENTIONS
sur les cinq ordres de Colonnes.

PAR ALEXANDRE FRANÇOIS FLORENTIN, Ingénieur ordinaire du Roy.
DEPOSE A SA MAJESTÉ.



A PARIS
Chez MELLONIOR TAVERNIER, Libraire
Général de l'Imprimerie du Roy pour les Sciences, Arts, et
Métiers, Palais National, Bibliothèque du Roy.
On y voit aussi la Méthode de l'Alphabet.

M. D. C. XXXX
avec privilège du Roy.



T R A I T E'
DES QVARANTE FIGVRES
PORTIQUES D'ARCHITECTVRE ET ARCS
trionphaux , faites fuiuant les cinq principales sortes
de Colomnes : Sçauoir Toscane, Doricque, Ionique,
Corinthe & Composite, enrichie chacune selon son
ordre de plusieurs ornemens & Cimetrie necessaires.

1. **P**REMIEREMENT, la premiere figure sert de titre d'un ordre Corinthe, enrichie de deux Colomnes, leurs corps saillans, avec leur baze, chapiteau, piédestaux, architraue, frize, corniche, & frontispice, qui porte deux enfans qui tiennent vne armoirie, avec plusieurs enrichissemens de cartouches & festons, laquelle peut seruir à vn Autel.

T O S C A N E, O R D R E P R E M I E R.

2. **L**A seconde figure est vn portail enrichy de deux pillastres de l'ordre de Toscanne, avec leurs piédestaux, architraue, frize & corniche faits en pointe de diamants, vn cartouche pour mettre l'inscription, le fronton où il y a vn masque qui porte vn busque seruant d'amortissement, & le reste de la porte de la mesme façon que les pillastres.

3. La troisieme figure, enrichie de quatre Colomnes de l'ordre Toscanne, faites avec des joints refendus, piquées en rustic, accompagnées de la corniche & fronton qui porte deux enfans tenans vne armoirie, peut seruir à vne Grotte, ou à ce que l'on voudra.

4. La quatrieme figure, est ornée de quatre pillastres de l'ordre Toscanne, architraue, frize, corniche, & fronton, ensemble de deux niches entre iceux pillastres, où sont deux statues & vn attique au dessus, suiuant l'ordre Dorique, avec vne niche, dans laquelle il y a vne figure & deux vases qui sont sur les deux frontons seruans d'amortissement, ce portail peut seruir à vn deuant d'Eglise.

5. La cinquieme figure enrichie de quatre Colomnes, saillant de leur grosseur de l'ordre Toscanne, entre lesquelles il y a deux niches percées à iour, où sont deux statues, le tout fait en façon de rochers, bossages, & mesme les piédestaux & corniche, les deux frontons où sont les vases & boules, seruent d'amortissement, ce portail estant de semblable façon tant d'un costé que d'autre, peut seruir à vn iardin, parce qu'il est veu des deux costez, la porte d'iceluy doit estre de fer percée à iour.

6. La sixieme figure, enrichie de deux Colomnes, saillant de leur grosseur de ladite ordre Toscanne, avec leurs piédestaux, architraue, frize, corniche, & frontispice faits en bossage piqué, & joints refendus, comme aussi le corps du piédestal, il y a la table au milieu pour mettre l'inscription, & plusieurs enrichissemens taillez en rochers, lequel portail peut seruir à vne Grotte.

7. La septieme figure, enrichie de deux Colomnes de l'ordre Toscanne, avec leurs baze, architraue, frize, corniche, arriere-corps, & le fronton, sur lequel il y a deux enfans qui soustiennent vne armoirie seruant d'amortissement, comme les vases, le tout taillé en rocher & bossage, ce portail peut seruir à vne Grotte.

8. La huitiesme figure, ornée de quatre Colomnes de l'ordre Dorique, leur gros-
 leur saillant, entre lesquelles il y a deux niches percées à iour avec deux bassins
 de fontaines; l'atique qui est au dessus de la corniche est enrichie de plusieurs cartou-
 ches, vases, consolle, & frontons, pour seruir d'amortissement; ce portail peut seruir à
 vne Grotte ou iardin.

9. La neuuiesme figure, est d'un ordre Dorique composée de deux pillastres, cor-
 niche, & plusieurs enrichissemens; l'atique d'au dessus où il y a vne armoirie Royale &
 deux statues à costé, representans la Iustice & la force; ce portail peut seruir à vn Palais.

10. La dixiesme figure est composée de quatre Colomnes, leur grosleur saillant de
 l'ordre Dorique, avec leurs couronnemens d'architraue, frize, corniche, & fronton au
 dessus, orné d'un grand masque portant vn vase, & deux autres vases aux costez seruans
 d'amortissement; ce portail est fait en bossages espacez & enrichis de festons & cartou-
 che pour l'inscription: il peut seruir à ce que l'on voudra.

11. La vnzieme figure est ornée de quatre Colomnes de l'ordre Dorique, où il y a
 vn cartouche pour seruir à mettre des lettres, & deux frontons enrichis de modillons,
 cartouches & de statues dessus iceux frontons, avec l'atique composé de plusieurs enri-
 chissemens, où il y a vne grand' table pour l'inscription; cette porte peut seruir à dis-
 cretion.

12. La douzieme figure represente vn arc triomphal, orné de quatre Colomnes
 de l'ordre Dorique, avec leurs piédestaux, architraue, frize & corniche, & deux niches
 entre icelles Colomnes, où sont deux statues enrichies de plusieurs ornemens, les deux
 frontons avec deux grands masques portent deux figures qui seruent d'amortissement;
 l'atique est d'un ordre composé, orné de sa corniche & fronton, avec vne niche, dans
 laquelle il y a vne figure & plusieurs enrichissemens; cela peut seruir à faire vn arc
 triomphal.

13. La treizieme figure, est vn grand portail d'Eglise composé de quatre Colomnes
 de l'ordre Dorique cannellées, saillantes de leur grosleur, où sont trois portes avec plu-
 sieurs enrichissemens, la corniche portant quatre Colomnes d'ordre Ionique, avec deux
 niches, où sont deux statues, & au milieu vn grand O, seruant de croisée enrichi, l'atique
 composée d'une grande armoirie & de deux figures aux costez, l'une de Saint Pierre
 & l'autre de Saint Paul, & plusieurs ornemens.

14. La quatorzieme figure est vn portail fait de pillastres taillez en rochers, ornez
 de corniche, fronton, vases & arriere-corps de l'ordre Dorique, lequel peut seruir à vne
 porte de Grotte.

15. La quinzieme figure est vn portail de l'ordre Dorique orné de deux pillastres
 & deux frontons, auquel il y a vn masque portant vn vase, avec deux autres aux costez
 pour seruir d'amortissement.

16. La seizieme figure est composée de deux Colomnes portans vn balcon de l'or-
 dre Dorique, avec l'architraue, frize, corniche, & ballustrade au dessus seruant à porter
 iceluy balcon, la porte d'entre lesdites Colomnes ornée de deux pillastres & corniche,
 le fronton de dessus est enrichy d'un cartouche & autres ornemens.

17. La dix-septiesme figure est vn portail sur quatre pillastres de l'ordre Dorique,
 taillez en rochers & bossages, l'atique d'au dessus orné de deux pillastres composez, &
 deux consolles aux costez, vne grande table au milieu pour l'inscription, & vn masque
 au milieu du fronton, le tout taillé en rocher, cecy peut seruir à vne Grotte.

18. La dix-huitiesme figure est vn portail composé de quatre termes rustiquez en
 rochers, l'architraue, frize, & corniche enrichis de triglifes & modillons, le tout est or-
 dre Dorique, l'atique orné d'un grand cartouche, consolle, vases, & fronton, seruant
 d'amortissement; ce portail peut seruir d'entrée à vne Grotte.

19. La dix-neuuesme figure est enrichie de quatre pillastres d'ordre Dorique, avec
 leur base, chappiteau, architraue, frize, corniche, & frontispice au dessus, ornez de deux
 enfans tenans vne armoirie, taillez en rocher seruant à vne Grotte.

20. La vingtiesme figure est composée de quatre Colomnes de l'ordre Dorique,
 leur grosleur saillant, avec leurs piédestaux, bases, chappiteaux, architraues, frizes, &

corniches, lesdites Colomnes faites en bossage piquées, & leurs piédestaux, l'atique accompagnée d'une grande armoirie, & deux cornes d'abondance aux costez pour servir d'amortissement.

21. La vingt-vniesme figure, enrichie de deux Colomnes de l'ordre Dorique, cannellées avec sa corniche, & fronton au dessus, portant deux enfans qui tiennent vne armoirie, l'arcade sera garnie de fer iusques à l'imposte; le tout enrichy.

22. La vingt-deuxiesme figure est vn autre portail composé de quatre pillastres de Dorique, composée moitié, canellez & basse taille, avec vne grande frize, où il y a vn grand cartouche, & termes au dessus des pillastres, le fronton fait en demy rond, accompagné de deux Renommées & vase servant d'amortissement, & dans le tinpan sont deux enfans tenans vne armoirie de bas relief: cela pourra servir à volonté.

23. La vingt-troisiesme figure est enrichie de quatre Colomnes Doriques, ayans leurs faillies de leur grosseur, avec bossage piqué, accompagnées de leurs piédestaux, architraue, frize, & corniche, au dessus est vn attique de l'ordre Ionique composé, vne niche au milieu portant vne figure d'un Mars, & fronton au dessus, avec deux vases aux costez, & deux trophées d'armes aux costez seruaus d'amortissemens; pourra servir à vne Citadelle.

24. La vingt-quatriesme figure est composée de quatre Colomnes d'ordre Dorique avec deux niches percées à iour, où sont deux statues posées sur des piédestaux & cartouche pour l'inscription, ornées de leurs architraue, frize, & corniche, l'atique enrichy d'un grand cartouche où il y a vn busque, le fronton & vase servant d'amortissement, & deux grandes statues aux costez; ce portail pourra servir à vn iardin.

25. La vingt-cinquesme figure, est enrichie de deux pillastres d'ordre Dorique composé, & ornez de masque, consoles & festons: l'architraue, frize, corniche & fronton, portent deux enfans qui tiennent vn grand cartouche servant d'amortissement.

26. La vingt-sixiesme figure est enrichie de deux pillastres d'ordre Dorique faits avec joints refendus, accompagnée de son architraue, frize, corniche, & fronton, où il y a vn grand masque & vases seruaus d'amortissemens, dans l'arc de la porte sont des ornemens de bas relief de bois.

IONIQUE, ORDRE TROISIEME.

27. **L**A vingt-septiesme figure est enrichie de deux Colomnes Ioniques cannellées, ayant leur faillie de leur grosseur, ornées d'architraue, frize, corniche, & fronton, l'atique composé de consoles, festons, enroulemens & cartouches, le corps d'icelle porte taillé en pointe de diamants.

28. La vingt-huictiesme figure est enrichie de deux Colomnes de l'ordre Ionique saillant de leur grosseur, avec architraue, frize, corniche, & fronton, portant deux statues, vn amortissement au milieu, dans lequel il y a vne armoirie & autres ornemens.

29. La vingt-neufiesme figure est ornée de deux Colomnes Ioniques cannellées avec leur baze, chapiteau, architraue, frize, corniche, & fronton, portant deux enfans qui tiennent vn cartouche servant d'amortissement, & des arriere-corps aux costez, sur lesquels sont portez deux vases.

30. La trentiesme figure est enrichie de deux Colomnes Ioniques cannellées avec leurs baze, chapiteau, architraue, frize, corniche & fronton, portant deux statues, avec vne armoirie & festons au milieu servant d'amortissement.

31. La trente-vniesme figure est composée de deux termes Ioniques qui portent l'architraue, frize, corniche & fronton, où sont deux Renommées, au milieu est vne croisée enrichie de console, frize, corniche & fronton, avec vn vase servant d'amortissement.

32. La trente-deuxiesme figure est enrichie de deux Colomnes & de deux pillastres de l'ordre Ionique qui sont arriere-corps, avec leurs architraue, frize & corniche, au dessus est vn dosme & lanterne, enrichy de deux Lions portans sur les pillastres des arriere-corps, & plusieurs autres ornemens.

CORINTHE, ORDRE QUATRIESME.

33. **L**A trente-troiesme figure, est enrichie de deux Colomnes & pillastres de l'ordre Corinthe, portées de leurs piédestaux, ornées de leurs chapiteaux, architraue, frize, corniche & fronton, ayant vne armoirie au milieu avec festons, vases, & plusieurs autres enrichissemens, la porte est faite à pan garny d'un cuir au dessus seruant de clef.

34. La trente-quatriesme figure est enrichie de quatre Colomnes cannellées de l'ordre Corinthe, ayant leur grosseur saillante, portées sur des piédestaux, architraue, frize & corniche, vn amortissement au dessus, accompagné de deux figures, bouille, vase, cartouche, armoirie, & plusieurs autres enrichissemens; entre les Colomnes sont deux niches, où sont des statuës ornées de cartouche: cela peut seruir d'arc triomphal.

35. La trente-cinquiesme figure est enrichie de quatre Colomnes de l'ordre Corinthe, saillant de leur grosseur, avec architraue, frize, corniche, & fronton, portant deux enfans qui tiennent vn cartouche enrichy.

36. La trente-sixiesme figure est composée de quatre Colomnes cannellées de l'ordre Corinthe, ayant leur saillie de leur grosseur, ornées d'architraue, frize, corniche & frontons, l'attique au dessus couronné de son fronton, portant deux chiens & vn grand masque avec fruiets seruant d'amortissement, & au milieu de l'attique vne basse-taille avec enfans & cartouche, & deux enroulemens aux costez, où sont deux masques sortant deux festons.

37. La trente-septiesme figure, est enrichie de deux Colomnes cannellées d'ordre Corinthe, avec son architraue, frize & corniche; au dessus est vn amortissement, au milieu vne croisée ornée de termes, cartouches & Dauphins dessus le fronton, & deux vases aux costez.

COMPOSITE, ORDRE CINQVIESME.

38. **L**A trente-huictiesme figure est enrichie de quatre termes de l'ordre Composite portans consolle & cartouches dans la frize, la corniche enrichie de modurons, l'attique couronnée de son fronton, bouilles, vases, cartouche & autres ornemens.

39. La trente-neufiesme figure est enrichie de deux Colomnes cannellées de l'ordre Composite, leur grosseur saillant, ornées de leurs baze, chapiteau, architraue, frize, & corniche, & vn arriere-corps au costé avec trophées d'armes, l'arc de la porte enrichy d'un cartouche & enfans, au dessus est l'attique enrichy de quatre termes & vne armoirie Royale avec trophées, & deux Renommées au dessus; ce portail peut seruir pour vn arc triomphal.

40. La quarantiesme & derniere figure est composée de deux pillastres cannellées d'ordre Composite portans consolles, avec masques & festons au dessus, enrichie d'architraue, frize, corniche, & frontons, au dessus de la porte est vne grande armoirie, avec deux figures de bas relief.



AV ROY.



SIRE,

Tandis que vous ravissez tous les hommes en admiration par la grandeur redoutable de vostre puissance, & que par la force invincible de vos Armes vous occupez vos grandes & Royales pensées au bien general de vostre Royaume, nous ne laissons pas pourtant de respirer avec contentement les douceurs de la paix : & nous ne nous ressentons des rigueurs & disgraces de cette guerre estrangere, sinon en ce qu'elle nous prive du contentement de vous voir. Tellement que dans ce grand calme dont nous jouissons à l'abry de vos Armes, i'eusse creu, SIRE, estre digne de blafme, si i'eusse laissé escouler quelques heures que i'ay quelquefois de relasche dans l'employ dont il a plu à vostre Majesté m'honorer, sans les employer à quelque chose ; C'est pourquoy i'ay pris la hardiesse de presenter à V. M. ce liure remply de plusieurs figures d'Architecture qui pourront servir pour l'embellissement des portes. Ce n'est pas qu'en cecy i'aye eu dessein d'encherir sur les ouvrages de plusieurs Architectes beaucoup plus capables que moy, en faveur desquels ie me sens obligé de publier cette verité, qui est, que i'amaïs ils n'ont manqué d'inventions, pour embellir la France de Palais & de maisons somptueuses & artistement travaillées, aussi vostre Royaume est un abrégé des merueilles du monde, & le vray lieu où la Nature a assemblé tout ce qu'elle a de plus beau & de plus exquis. Je n'ay donc i'amaïs eu cette presumption de croire que ce mien ouvrage peust donner quelques atteintes aux magnificences de ces anciens bastimens qui se font encores auourd'huy admirer de tout le monde : mais ie me suis proposé seulement pour objet dans ce mien petit travail le devoir que ie dois à vostre Maïesté, me sentant obligé d'employer tout mon temps & mes peines à son service, en reconnoissances des obligations infinies que ie luy ay : C'est en quoy, SIRE, i'ose assurer vostre Maïesté que si ie n'ay assez de capacité pour m'acquiter de la charge de laquelle le feu Roy vostre pere d'heureuse memoire, & vostre Maïesté m'ont honoré, au moins ie ne manqueray i'amaïs de bonne volonté ; Cependant, SIRE, m'assurant sur vostre bonté naturelle, ie supplie tres-humblement V. M. d'accepter le petit present de celuy qui desire estre toute sa vie,

De vostre Majesté,

SIRE,

Le tres-humble, tres-obéissant, & tres-affectionné sujet & serviteur,


ALEXANDRE FRANCINE.



AVX AMATEURS D'ARCHITECTURE.

ENCORE que l'Architecture ne soit pas de ma profession, ie ne laisse pas neantmoins de l'estimer comme la premiere de toutes les sciences, & la plus necessaire pour la defense de nostre vie. Qu'ainsi ne soit, il se trouuera qu'elle est plus ancienne que le temps mesme, puis que Dieu s'en est seruy pour la construction de l'Vniuers. Sans elle toute la terre seroit deserte, & les hommes n'ayans point de quoy faire retraite, ne se pourroient dire exempts des seices & atteintes des bestes cruelles. Sans elle nous ne goustierions aucun contentement dans le monde, nos corps estant incessamment exposez aux rigueurs du temps, nos vies à la cruauté de nos ennemis, & nos biens à la mercy des brigands. C'est pourquoy les premiers hommes reconnoissant la necessité de cette science admirable, apprirent tout ensemble à labourer la terre & à bastir des maisons: Qui garentit le genre humain des rigueurs d'un deluge impitoyable, sinon l'Arche que le Patriarche Noé fit bastir? sans laquelle iamais il n'eust merité le nom de Restaurateur de l'Vniuers. Toutes les sciences ensemble ne peurent pour lors guarentir vn seul homme des ondes, ils furent tous enseuelis dans les eaux, & il n'y eust que ceux que ce bon Patriarche renferma dans sa petite maisonnette qui en furent exempts. L'vtilité de cet Art ayant esté reconneüe, les peuples qui sont venus apres ont cultiue soigneusement cette science. Les Babiloniens la mirent à vn si haut prix, qu'ils creurent par le moyen d'icelle pouuoir conseruer leur vie, bastissant ceste Tour tant renommée de l'Antiquité. Les Egyptiens sceurent bien ce qu'elle valloit depuis que leurs Roys quitterent le soing de faire la guerre pour combattre les nuës à force de Pyramides: Bref tous les peuples ont eu en telle recommandation ceste science, qu'ils s'y sont rendus excellents & admirables. En fin les François & Italiens y ont trauaillé avec tant d'industrie, qu'ils se peuuent vanter d'auoir atteint à la perfection. Et parce qu'il est bien difficile de voir vn bel objet sans l'aimer, aussi n'ay-je peu connoistre l'excellence de l'Architecture sans y attacher mon esprit, & ainsi dans l'inclination que i'y ay naturellement, ie me suis porté à faire des desseins de Portaux, selon les cinq ordres de colonnes qui pourront s'appliquer à diuers sujets. Mais ie ne me fusse iamais engagé à les donner au public, si ie n'y eusse esté contraint par les prieres de mes amis, qui se sont trouuées plus fortes que la ferme resolution que i'auois prise de ne mettre iamais en lumière ce que i'auois destiné pour les tenebres, & pour me seruir dans mon estude particuliere: n'ignorant pas que quantité d'excellens Architectes en ont fait des liures auant moy, & en ont escrit avec tant de bon-heur & de science, que nous pouuons nous vanter que la maniere de bastir de nostre Siecle ne cedde point à celle des anciens; En sorte que nous ne deuons pas seulement admirer la venerable Antiquité, mais encore nos Auteurs modernes, qui ont sceu marier si dextrement l'Art & la science avec la beauté & la mignardise qu'ils se sont surpassés eux-mesmes. Au nombre desquels i'auouë franchement ne meriter aucun rang, sinon celuy qu'il plaira à ceux-là de me donner, qui iugeront de cet ouurage sans passion, & avec plus de desir de mieux faire que de reprendre. C'est pourquoy ceux qui me feront la faueur de mettre en pratique ces desseins, ne s'attacheront pas aux dimentions que ie n'ay pas exactement obseruées, m'assurant qu'ils les scauent trop mieux que moy, ains suppléeront, s'il leur plaist à ce deffaut qui n'est pas grand, si l'on considere que mon inclination plustost que ma profession, m'a fait entreprendre ce petit ouurage.





Alexander de Francini invento.


Melchior Tavernier fecit.





A. Francini Inuentor.

Melchior Tavernier Sculptor.






















































A. Francini inventor. Tauermer ex.



















A. Francini pueror Tavernier ex.






A. Francine jureur.


Francine jureur.



no


5 p 92






A. Francine inventor

Tauermer ex.







A. Francine pinxit


Lacourier sculp.


[Faint, mostly illegible handwritten text at the top of the page, possibly a title or header.]

[Large, dense, and mostly illegible handwritten text in the middle section, possibly a main body of a letter or a list.]

S mar r de
 marie mag
 e e em
 nie tor
 ne que
 christo
 bonn uen
 rur

[Handwritten text on the right side, possibly a signature or a closing, including some decorative flourishes.]





RARE 85-B
FOLIO 16435

